

Radunonza generala dil Forum cultural Tujetsch
Venderdis 21.10.2005
Hotel Soliva Sedrun

Presents: Suprastonza, revisura e otg commemorAs

1. Beinvegni: Il president fa a tuts in beinvegni e deplorascha che buca dapli persunas prendan peda dalla radunonza generala. Deplorablamein ei la gruppa da teater da Rueras sin viadi nua che duas treis persunas vegnevan mintgamai alla radunonza. Perstgisau han Berther Rita, Patrick Beer . Plascher ha ei fatg che nies niev president da vischnaunca ei staus presents.

2. Elecziun d'in dumbra vusch: Proponius ed elegius ei Vigel Giossi vegnius.

3. Protocol: Il protocol dalla davosa radunonza generala ei vegnius presentaus ed approbaus senza neginas remaracas.

4. Rapport: Il rapport ei staus publicaus en la davosa Tuatschina. Cheu entgins patratgs che il president ha dau. El vegli sensibilisar la glied els fatgs da cultura cun presentar il rapport en la Tuatschina. Senza finanzas mondi gie nuot. Ch'igl ei iu si en quei senn san ins dir che varga 3000 francs ein vegni spendi da commembers e fauturs.

- A Vic Hendry ha la suprastonza gratulau sin siu natalezi da 85, ensemen cun la suprastonza da vischnaunca. El hagi giu grond plascher.

- A Barla Monego gratulescha il president per la bein reussida exposiziun da fotografias dal fotograf Brunner el museum La Truaisch. Era dalla gronda lavur ed engaschi segi d'engraziar ad ella. Ei segi semussau che ver la dretga persuna el dretg liug sepagi.

- Sin igl anniversari da 100 onns dicziunari Romontsch havein nus envidau ils commembers e commembras per dar in sguard davos las culissas. Igl interess dil presents ei staus gronds, e nus essan vegni menai da glied competenta atras ils locals. Era eis ei semussau che nossa val ei inagada dapli documentada rechamein cun scartirras e fotas.

- Tier il referat da Gion Lechmann e Martin Matiuet davart il moviment romontsch havein nus astgau beneventar differentas persuanas. Igl ei stau ina fetg interessanta sera e daun novs impuls da turnar cun da quels referats.

- Archiv cultural. Dapi ch'il forum exista ei l'idea da endrizzar in archiv cultural sin cruna. Deplorablamein havein nus mai giu anflau udida tier la anteriura suprastonza da vischnaunca. Dapresent ein ins vid rimnar ideas e plans co ins savess endrizzar il local denter scola e scoletta sin casa da scola Sedrun. Cheu ei da prender si il fil ed inoltrar nossas ideas.

5. Rendaquen: Il quen vegn presentaus dal cassier Taricis Hendry. Suandontas ceffras fan palleis dallas activitadas dil forum. Sco gia menziunau dependa denton bia dals daners.

6. Revisiun: La revisura Barla Monego ha dau plaid e fatg da sia lavur. Ella hagi priu investa dagl entir quen ed anflau quel bein redigius e cudischaus. Ella ha proponiu als presents da acceptar il quen e dar scarica alla suprastonza. Quei ch'ei era vegniu fatg.

7. Contribuziuns: Empau discussiun ha ei dau pertenen commembers e fauturs. Ins sa buca propi distinguer tgi ei commember. Biars pagan dapli che la contribuziun perscreta. Factum ei segir quel che nus recaltgein aschia dapli daners. Era l'emprova da schar cruschar sil cedel da pagament en tgei moda il pagament ei quintaus ei buca secumprovas. Aschia vegn schau vinavon sco tochen oz. La contribuziun annuala ein ils presents sedecidi da laschar sin ils 30 francs per commembers e per fauturs laschar liber quella.

8. Elecziuns: Dapi 8 onns ei la suprastonza en uffeci. Igl ei uras da mirar che nova glied vegn en quei gremium. Deplorablamein havein nus fatg en quella caussa pauc per anflar nova glied.. Denton eis ei impurtont da buca dar giu tuts il medem mument. Sin las

proximas elecziuns en dus onns mirar baul avunda ed agir leusunter. Il president Andre Schmid, igl actura Bruno Berther ed il cassier Tarcis Hendry ein vegni proponi sin quei da niev ed era vegni elegi. Medemamein la reisura da quen Barla Monego.

9. Projects:

◆ Archiv cultural: Vegn schau alla suprastanza da eleger ina cumissiun per elaborar in concept e surdar quel alla vischnaunca. Dumandaus vegn inagada Norbert Berther ch'ei era staus prompts da segidar.

◆ Ovras da Pader Baseli Berther. Quellas ein sco preparada. Entginas caussas ch'ei egl archiv claustral a Muster fussen aunc da catalogisar. Ei vegn era ponderau da far quella ediziun ensemen cun la vischnaunca.

◆ Fontauna Zarcuns: A Zarcuns vul la vischnaunca sanar l'entrada dil vitg sper la fontauna. Quella sauda alla vischnaunca, il pistregn dasperas ei en posses da Gieri Schmid, quel ei era prompts da surdar quei object alla vischnaunca per in preci favoreivel. Nus dal forum lessan sustener da sanar quei contuorn cun suprender eventuais cuost che ei dess cun far in tetg da slondas.

◆ Internet: Saver colaborar cun la pagina dil forum ensemen cun la vischnaunca per haver pli bia presenza.

◆ Notg da films: Gieri Venzin vegn, sche tut gartegia a saver far la premiera da siu film sur dil cavar cristallas igl onn proxim. Tenor discussiun cun el fuss quei pusseivel da far quei la notg da films igl uost.

◆ Plaun Miez: A Plaun Miez han ils fargliuns Giusep e Marius Giger sanau lur tegia. Quei ei in baghetg unic che dat buna perdetga dil vargau. Nus havein saviu perschuer els da cuvierer il tetg cun plattas da crap. Quei cuosta denton, persunter vulein nus intervegnir tier il cantun per recaltgar empau finanzas per quei intent. En quei connex vegnin a motivar era auters da mantener baghetgs e faners ded haver in egl sisura e segidar.

10. Varia: Pertuccont la biblioteca da Vic Hendry ei gia vegniu scumiau bia plaids. Quel schenghegiass quella al Forum. Denton sut la condiziun che quella anfla era in adatau e segir plaz. Sch'ei reusses a nus in archiv cultural fuss quei reglau. Denton fuss ei prudent da far vinavon buca che quella croda tuttenina denter suppias e bauns. Barla Monego sa relatar che Vic Hendry hagi era bia vischala dil Hafner da Bugnei e fussi era prompts da schenghegiar quella al museum. Ei segi planisau ils 2 da december ina preelecziun da siu niev cudisch. Quel vegni organisaus el museum. Aschia nescha la idea da remunerar il Vic per tut sia lavur literara e dar ad el il tetel Burgheis da Honur. Quei vegn era susteniu dals presents.

Duas uras suenter l'entschatta ha il president André Schmid saviu serrar la radunonza e giavischar a tuts in bien retuorn a casa.

Rumas 30.10.200x

